



25. marts 2011

Inatsisartut suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppara:

Naalakkersuisunut apeqqut:

1. **Maniitsumi Alcoap aatitsivissamik sulisunik kiniiserinik akikitsunik atuilluni sanaartornissamik kissaateqarnerani , sulisut tiimimut qanoq akilerlugit atorniarnera Naalakkersuisunit ilisimaneqarnerluni?**
2. **Apeqqut siulleq ilisimasaqarfigisimagussiuk, sulisullu akikitsut atorneqassappata, Nunatta akileraarutitigut aningaasat isertitassani qanormita amerlatigut annaassavai?**

(Inatsisartuni ilaasrotaq, Malik Berthelsen Siumut)

**Tunnqavilersuut:**

Oqaatigineqartarpoq nunarsuarmi suliffeqarfissuit aatitassasionermik ingerlatallit nunami sumi-luunniit aatitassarsiorfissatut soqutigalugu tikinniakkaminni pissutsit assigiinngitsut ilisimasaqarfi-gereertaraat. Soorlu suliffeqarfiup ingerlannissaanut aningaasartuutit sulisullu akissaataat pingaa-rnerpaatillugit misissuiffiqeqqaartaraat, suliffeqarfissuup imminut akilersinnaanissaa ilumut qulak-keeqqaararlugu.

Taamaattumik Alcoap nunarput aatitsivissamik pilersitsivigissallugu soqutigileramiulli, taamanili ilisimareersimassavaat nunatsinni sulisunut akissaatit qanoq isikkoqarnersut. Qularnanngitsumillu isummernissaminnut sinaakutissanik misissuereerlutik nunatsinni aatsitsiviliorniartutik qinnute-qarsimassapput.

Tamanna tunnqavigalugu, paaserusuppara Alcoakut nunatsinni sulisartut akissarsiaasa akisuallaa-ernerat pissutigalugu aallartitsinissaminnut nangaalernerminni missingersuutinik uppernartunik Naalakkersuisunut saqqummiussisimanersut?

Sulisunillu akikitsuunik atuinermi Alcoap 1.7mia.kr.-it sipaarutigissallugit oqaatigisaani, akissaa-tit suut tunnqavigalugit taamatut naatsorsuisimappat?

Taamatut apeqquteqarpunga akissaatit pillugit politikkiimi paasissutissanik eqqortunik isummernis-satsinnut sakkussaqaarusukkama.